



09-09-2020

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“, br.35/05), a u vezi s članom 17., članom 18., članom 87. i članom 90. Zakona o javnim nabavkama („Službeni glasnik BiH“, broj 39/14), i Odluke Kantonalnog štaba civilne zaštite, broj: 15-40-4-11073-1/2020 od 07.09.2020. godine, direktor Kantonalne uprave civilne zaštite, donosi

POSEBNU ODLUKU o pokretanju postupka javne nabavke

I

Pokreće se postupak javne nabavke putem direktnog sporazuma za nabavku usluga štampanja, JRJN pod oznakom 79810000-5 – usluge štampanja.

Procijenjena vrijednost javne nabavke iznosi 5.940,00 KM (slovima: pethiljadadevetstotinačetredeset i 00/100 KM) bez PDV-a.

Postupak javne nabavke će se provesti u skladu sa Zakonom o javnim nabavkama, podzakonskim i internim aktima.

II

Kriterij za dodjelu ugovora je najniža cijena.

III

Navedena nabavka će se vršiti iz sredstava planiranih u Budžetu Unsko-sanskog kantona za 2020. godinu – sredstva posebne naknade za zaštitu i spašavanje, razdjel 27, glava 01, potrošačka jedinica 0001, ekonomski kod 613900 – ugovorene usluge, funkcionalni kod 0220, izvor prihoda 30, a koja su planirana Planom korištenja sredstava posebne naknade za zaštitu i spašavanje u 2020.godini.

IV

Ova Odluka stupa na snagu danom donošenja.

Obrazloženje

Posebna naknada za zaštitu od prirodnih i drugih nesreća (u daljem tekstu: posebna naknada) utvrđena je članom 180. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ broj: 39/09, 22/06 i 43/10), te je tačkom V. stav 1. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 04/12, 80/13 i 20/20) utvrđeno da se korištenje sredstava posebne naknade vrši na osnovu godišnjeg plana korištenja sredstava posebne naknade.

Godišnjim planom za korištenje sredstava posebne naknade za zaštitu od prirodnih i drugih nesreća u 2020. godini predviđena su sredstva posebne naknade za obuku stanovništva.

Kako počinje nova školska godina, a zbog trenutne epidemiološke situacije, te uzimajući u obzir činjenicu da se situacija svakodnevno mijenja vezano za širenje koronavirusa (COVID-19), Kantonalni štab civilne zaštite je odobrio korištenje sredstava posebne naknade za obuku stanovništva na način da se izrade edukativni materijal o sprečavanju širenja bolesti u obrazovnim institucijama na području Unsko-sanskog kantona.

Na osnovu naprijed navedenog, odlučeno je kao u dispozitivu.

Broj: 15-11-8-11172 -1/2020
Bihać, 09.09.2020. godine



Direktor
Dževad Ljivaković, prof.